

SAKSPAPIR

Saksnr	Utval	Type	Dato
101/18	Heradsstyret	PS	12.12.2018

Saksbehandlar	ArkivsakID
Bente Skjerping	18/2537

Interpellasjon - sosialhjelp og barnetrygd

Vedlegg:

VS Interpellasjon til heradsstyremøte
Interpellasjon til heradsstyremøte 12.12.2018

Rådmannen sitt framlegg til vedtak:

Rådmannen gjer ikkje framlegg.

Heradsstyret - 101/18

HS - behandling:

Sakspapira vart delt ut i møtet.

Interpellanten stilte eit spørsmål til rådmannen om saka: "Kva økonomiske konsekvensar får det for kommunen dersom ein ikkje reknar barnetrygd som inntekt for dei familiane som får sosialhjelp?"

Rådmannen skal kome tilbake med svar i neste møte.

Det vart ikkje gjort vedtak i tilknytning til interpellasjonen.

HS - vedtak:

Det vart ikkje gjort vedtak i tilknytning til interpellasjonen.

Saksopplysningar:

Saksopplysningar:

Bakgrunn

Interpellasjon frå representanten Tone Mjelde, AP:

Ordførarar

Krf fekk i budsjettforhandlingane til ei auke i barnetrygda på 1000,- i året. I etterkant viser det seg at 50 000 born i Noreg, dei mest fattige familiane der foreldra mottok sosialhjelp, ikkje får den same auka. Dette fordi dei fleste kommunar reknar barnetrygd som inntekt og trekker frå beløpet før dei reknar ut kor mykje sosialhjelp familiane skal få.

Det betyr at dei mest sårbare familiane, som verkeleg treng desse pengane, i realiteten ikkje får barnetrygd. Antall barn som veks opp i fattigdom i Noreg aukar, og det er tydeleg at regjeringa ikkje gjer nok for å hindre denne utviklinga. Me veit at det er ein samanheng mellom det å vokse opp i lavinntektsfamiliar og å falle ut frå skule og arbeidsmarknaden. Det er også slik at dersom foreldra dine har låg inntekt, er det større sjanse for at du også hamnar i same kategori som vaksen, samt at du får dårlegare levekår. Dei som har forska på dette og spurt barn og unge korleis det er å leve i lavinntektsfamiliar, fortel om ei kjensle av å vera på sida av samfunnet, fordi dei ikkje har råd til å vera med på skuleturar, reise på feriar, eller delta i fritidsaktivitetar. Mange fortel om vanskelege kjensler; dårleg samvittighet, bekymringar, skam og ei auka kjensle av ansvar.

Det er opp til kommunane korleis dei vel å gjere dette med barnetrygd og sosialhjelp, det er ingen nasjonal norm for korleis dette skal handterast. I følge FriFagbevegelse er det 65 kommunar i Noreg, som ikkje reknar barnetrygd som inntekt.

Mitt spørsmål er difor: Korleis handterer Osterøy Kommune barnetrygd og sosialhjelp. Blir barnetrygd rekna som inntekt og trekt frå sosialhjelpa eller får dei fattigaste familiane i kommunen vår barnetrygda si?

Ordføraren gav slikt svar:

Frå Nav sosial har eg fått opplyst følgjande:

«Ja, Nav sosial reknar barnetrygda som inntekt.

Tilleggsinformasjon:

Sosialhjelp er ei subsidær yting, der alle moglegheiter skal vera prøvd. Når Nav sosial reknar barnetrygda som inntekt har ein **eit ekstra ansvar** for å sjå til at dårleg økonomi i familien ikkje skal

gå utover borna. Derfor blir borna sine behov kartlagt gjennom samtaler med forelder. Derfor blir det gjeve stønad til barnehage/sfo, ekstra julestønad, sommerferie, utstyr til bruk i fritidsaktiviteter, generelt til fritidsaktiviteter m m.»